



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola II. Gregorii Papae I. Ad Felicem Episcopvm Et Cyriacvm Abbatem.
De ordinando monasterio Theodosiae.

urn:nbn:de:hbz:466:1-15221

GREGORII MAGNI PAPÆ I.
EPISTOLARVM LIBER IV.

INDICT. XIII. ANNO ORDINATIONIS EIUS V.

EPISTOLA I.

AD IOANNEM EPISCOPVM RAVENNATEM.

Monasterium monachorum non per clericos nec
laicos * gubernandum.

Gregorius Ioanni Rauennati episcopo, &c.

Grat. 18. q.
2. cap. 20.
Iuo p. 3. c.
18.
Anselm. 7.
183.
Ioan. diac.
lib. 1. c. 54.

PERVENIT ad me quod in ecclesia fraternitatis tuæ aliqua
loca dudum monasteriis consecrata, nunc habitacula
clericorum aut etiam laicorum facta sunt: dumque hi qui
sunt in ecclesiis fingunt se religiose viuere, monasteriis
præponi appetunt, & per eorum vitam monasteria de-
struuntur. Nemo etenim potest & ecclesiasticis obsequiis
deseruire, & in monachica regula ordinate persistere, vt
ipse monasterii districtiōnem teneat, qui quotidie in * mi-
nisterio ecclesiastico cogitur permanere. Proinde frater-
nitas tua, hoc quolibet in loco factum sit, emendare festi-
net; quia ego nullo modo patiar vt loca sacra per clerico-
rum ambitum destruantur. Vos itaque ita agite, vt mihi
hac de re correctam causam sub celeritate nuntietis.

EPISTOLA II.

GREGORII PAPÆ I.

AD FELICEM EPISCOPVM ET CYRIACVM ABBATEM.

De ordinando monasterio Theodosiæ.

Gregorius Felici episcopo, & Cyriaco abbati.

QVERELAM Theodosiæ religiosæ feminæ subditæ vo-
bis satis series relationis explanat, in qua plura &
non ad sacerdotalem pertinentia mansuetudinem contra
Ianuarium fratrem & coepiscopum nostrum capitula
comprehensa relegimus: ita vt post fundatum a te seruo-
rum Dei monasterium, omne quod ad avaritiæ turbulen-
tiam præiudiciumque pertinet tempore dicatur oratorii
ipsius dedicationis exhibitum. Quamobrem si ita est, vt
antefacta eius suggestione comperimus, & in hoc quid-

quam cognoscitis indecentius fuisse commissum, hortamur vt Musicum abbatem monasterii Agilitani, remotis prius omnibus præiudiciis, studeatis vt in monachos suos illic ordinare cœperat summopere vacare festinet; quatenus ipso venerabili loco decenti regularique modo per vos Domino iuuante disposito, nec frequens nos prædictæ religiosæ feminae de non impletis bonis desideriis suis querela concutiat, nec cum vestræ detrimento sit animæ, si tam pium propositum aliqua vobis negligentibus, quod non credimus, dilatione torpescat.

EPISTOLA III.

GREGORII PAPÆ I.

AD DOMINICVM EPISCOPVM CARTHAGINENSEM.

De compescendis hæreticis sub grauissimis pœnis.

Gregorius Dominico episcopo Carthaginensi.

VENIENS ad nos Prosper præsentium lator, responsalis vester, post alios vestræ caritatis affectus, secundo nobis vestras epistolas cum allegatione principalium iussionum apud vos habitæ Synodi chartulam porrexit. Quibus relectis & de vestro gratulati sumus, quem pastoraliter geritis, zelo, & piissimos dominos occasione religionis illatas venalium personarum remouisse calumnias. Maxime autem quia ita studuit fraternitas vestra Africanam inconcussam seruare prouinciã, vt nullatenus deuias hæreticorũ sectas cum feruore sacerdotali coercere negligeret. De quibus etiam omnibus sopiendis, & antequam caritatis vestræ consuleremur apicibus, intantum nos subtilius definisse meminimus, vt nihil rursus de his vobis responderi necessarium credamus. Quamquam ergo hæc se ita habeant, & desideremus omnes hæreticos a catholicis sacerdotibus vigore semper rationeque compesci, tamen subtiliter intuentes omnino nos tetigit, ne per ea quæ apud vos gesta sunt, aliorum consiliorum primatibus, quod auertat Dominus, generetur scandalum. Sententia namque a vobis prolata est in conclusione gestorum. In qua dum pro inuestigandis illis hæreticis admonetis, subintulistis eos, qui negligunt, substantiarũ dignitatumque priuatione plectendos. Optimum est igitur, frater carissi-